



Udruženje „Sindikat radnika u zdravstvu u Kantunu Sarajevo“

Obala Kulina bana 1, 71000 Sarajevo, Bosna i Hercegovina

Broj: 288/22

Sarajevo, 27.05.2022. godine

Vlada Kantona Sarajevo  
n/r Premijera, gđin Edin Forto

27-05-2022

Ministarstvo zdravstva Kantona Sarajevo  
n/r Ministra, Prof. dr Haris Vranić

**PREDMET:** Usaglašavanje Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo, traži se

Poštovani,

Na osnovu člana 37. stav 4. granskog Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo – u daljem tekstu: Kolektivni ugovor („Službene novine Kantona Sarajevo“ broj: 20/22), ovim putem predlažemo usaglašavanje granskog Kolektivnog ugovora sa strukovnim kolektivnim ugovorima, i to Kolektivnim ugovorom o pravima i obavezama poslodavaca i radnika u području djelatnosti zdravstvene zaštite na području Kantona Sarajevo (u daljem tekstu: Kolektivni ugovor I) i Kolektivnim ugovorom o pravima i obavezama poslodavaca i radnika u djelatnosti medicinskih sestara i tehničara i zdravstvenih tehničara svih profila i nivoa obrazovanja na teritoriji Kantona Sarajevo (u daljem tekstu Kolektivni ugovor II). Kolektivni ugovor I i Kolektivni ugovor II su, kao i Kolektivni ugovor, objavljeni u Službenim novinama Kantona Sarajevo broj: 20/22.

Međusobnim upoređivanjem teksta Kolektivnog ugovora, Kolektivnog ugovora I i Kolektivnog ugovora II konstatovano je da tekst sva tri kolektivna ugovora, unatoč obećanju ministra zdravstva Prof. dr Vranić Harisa, nije identičan tako da su Kolektivnim ugovorom I zaključenim sa Sindikatom doktora medicine i stomatologije Kantona Sarajevo, kao i Kolektivnim ugovorom II zaključenim sa Strukovnim sindikatom medicinskih sestara – tehničara Kantona Sarajevo osigurana određena dodatna prava zaposlenih u zdravstvu, a koja nisu sadržana u Kolektivnom ugovoru.

Shodno navedenom, a osnovom člana 37. stav 4. Kolektivnog ugovora predlažemo usaglašavanje Kolektivnog ugovora sa Kolektivnim ugovorom I i Kolektivnim ugovorom II kako slijedi:

- Član 7. stav 3. Kolektivnog ugovora usaglasiti sa članom 7. stav 3. Kolektivnog ugovora I na način da se u stavu 3. člana 7. Kolektivnog ugovora iza riječi: „radu,“ dodaju riječi: „kolektivnim ugovorom zaključenim za područje Federacije BiH“, ostali tekst se nastavlja.
- Član 8. stav 2. Kolektivnog ugovora usaglasiti sa članom 8. stav 2. Kolektivnog ugovora I i Kolektivnog ugovora II na način da se u stavu 2. člana 8. Kolektivnog ugovora iza riječi: „ugovora,“ dodaju riječi: „odnosno u trenutku proširenja primjene ovog Kolektivnog ugovora“, ostali tekst se nastavlja.
- Član 24. stav 4. Kolektivnog ugovora usaglasiti sa članom 24 stav 4. Kolektivnog ugovora II na način da se u stavu 4. člana 24. Kolektivnog ugovora briše tačka i dodaju riječi: „kao i dodaci na platu po osnovu posebnih uslova rada.“.
- Član 37. stav 1. Kolektivnog ugovora usaglasiti sa članom 37. stav 1. Kolektivnog ugovora I i Kolektivnog ugovora II na način da se u stavu 1. člana 37. Kolektivnog ugovora kod svih grupa složenosti poslova, tj. kod zanimanja I grupe, zanimanja II grupe, zanimanja III grupe, zanimanja IV grupe, zanimanja V grupe, zanimanja VI grupe, zanimanja VII/1 grupe, zanimanja VII/2 grupe, zanimanja VIII/1 grupe, zanimanja VIII/2 grupe, zanimanja IX/1 grupe, zanimanja IX/2 grupe,

tel/fax: 033 667 287, mob: 062 933 674

[www.sindikatzdravstvaks.ba](http://www.sindikatzdravstvaks.ba); e-mail: [sindikatzdravstvaks@hotmail.com](mailto:sindikatzdravstvaks@hotmail.com)

ID:4202158440004; TRN: 1344601000009367 ASA banka d.d. Sarajevo



**Udruženje „Sindikat radnika u zdravstvu u Kantonu Sarajevo“**  
**Obala Kulina bana 1, 71000 Sarajevo, Bosna i Hercegovina**

zanimanja IX/3 grupe i zanimanja X grupe doda rečenica koja glasi: „Sa preko 10 godina radnog staža koeficijent se povećava za 0,10“.

Također član 37. Kolektivnog ugovora usaglasiti sa članom 37. stav 2. Kolektivnog ugovora I na način da se u članu 37. Kolektivnog ugovora iza stav 1. doda novi stav 2. koji glasi: „Radnici zaposleni u zdravstvu su dio osnovnog, samostalnog i odgovornog nosioca zdravstvene djelatnosti koja je od posebnog interesa za Federaciju BiH, a time i Kanton Sarajevo koji osigurava zdravstvenu zaštitu.“. Dosadašnjii stavovi 2., 3. i 4. postaju stavovi 3., 4. i 5.

- Član 40. stav 2. Kolektivnog ugovora usaglasiti sa članom 40. stav 2. Kolektivnog ugovora II na način da se u stavu 2. člana 40. Kolektivnog ugovora u alineji 3. iza broja: „5%“ stavlja tačka, a preostali tekst koji glasi: „pri čemu se dodaci iz alineje 1. i 2. ovog stava međusobno isključuju“ se briše.
- Član 41. Kolektivnog ugovora usaglasiti sa članom 41. stav 2. Kolektivnog ugovora II na način da se iza stava 2. člana 41. Kolektivnog ugovora dodaje novi stav 3. koji glasi: „Sva prava i obaveze iz člana 41. stav 1. ovog Kolektivnog ugovora se prenose i na radnike koji su iz različitih razloga premješteni naispomoć drugim ustanovama ili u vanrednim okolnostima služe naispomoć drugim ustanovama. Naknade za takve uslove isplaćuje zdravstvena ustanova u kojoj radnik privremeno obavlja spomenute poslove“. Dosadašnji stavovi 3. i 4. postaju stavovi 4. i 5.
- Član 42. stav 4. Kolektivnog ugovora usaglasiti sa članom 42. stav 5. Kolektivnog ugovora I i Kolektivnog ugovora II na način da se u stavu 4. člana 42. Kolektivnog ugovora, u drugoj rečenici iza riječi „rad“ dodaju se riječi: „kod podizanja pripravnog i rad“ ostali tekst se nastavlja.
- Član 44. stav 2. alineja 6. Kolektivnog ugovora usaglasiti sa članom 44. stav 2. alineja d) Kolektivnog ugovora I na način da se u alineji 6. stava 2. člana 44. Kolektivnog ugovora iza riječi: „nedonoščad,“ dodaje riječ: „stomatološkoj“, ostali tekst se nastavlja.
- Član 58. Kolektivnog ugovora usaglasiti sa članom 55. stav 2. Kolektivnog ugovora II na način da se iza stav 1. člana 58. Kolektivnog ugovora doda novi stav 2. koji glasi: „U slučaju promjene radnog mjeseta (organizacione jedinice), radnik ima pravo da zadrži/dobije povoljnije dodatke na osnovnu platu iz ovog Kolektivnog ugovora.“
- Član 62. Kolektivnog ugovora usaglasiti sa članom 58. Kolektivnog ugovora I i Kolektivnog ugovora II na način da se u članu 62. Kolektivnog ugovora iza stava 9. dodaje novi stav 10. koji glasi: „Reprezentativni sindikati imaju pravo prisustvovati sjednicama Upravnog odbora poslodavca po onim tačkama koje su relevantne za članstvo Sindikata, a što će se urediti Poslovnikom o radu Upravnog odbora.“. Dosadašnji stavovi 10., 11., 12., 13., 14. i 15. postaju stavovi 11., 12., 13., 14., 15. i 16.
- Član 78. Kolektivnog ugovora usaglasiti sa članom 74. stav 3. Kolektivnog ugovora I i Kolektivnog ugovora II na način da se u članu 78. Kolektivnog ugovora iza stava 2. doda novi stav 3. koji glasi: „, Pregovore o novom Kolektivnom ugovoru strane će započeti najkasnije devedeset (90) dana prije isteka roka na koji je zaključen ovaj Kolektivni ugovor“.

Prijedlog se podnosi na osnovu Odluke Glavnog odbora Sindikata radnika u zdravstvu u Kantonu Sarajevo broj: 283/22 od 26.05.2022. godine kojom je utvrđeno da se inicira usaglašavanje Kolektivnog ugovora sa Kolektivnim ugovorom I i Kolektivnim ugovorom II, tj. da se Vladi Kantona Sarajevo i Ministarstvu zdravstva Kantona Sarajevo dostavi prijedlog za usaglašavanje na način kako je gore navedeno, te tražimo da bez odglaganja pristupimo postupku usaglašavanja shodno članu 37. stav 4. Kolektivnog ugovora.

Dostavljeno:  
- Naslovu x 2  
a/a

